

आकाशवाणीखबरां

1. सरकार नै एकीकृत परिवहन ढांचे की बढ़ावा देने लेई शिड़क परियोजनाएं की मंजूरी दित्ती।
2. सूचना ते प्रसारण राज्यमंत्री डॉ. एल. मुरुगन होरें आखेआ जे सरकार नै समावेशी विकास यकीनी करने ते आर्थिक लचीलेपन की मजबूत करने लेई इस बारे ऐतिहासिक फैसले लैते न।
3. बांगलादेश च बेगम खालिदा जिया की राजकीय अंतिम संस्कार दे बाद अंतिम विदाई दित्ती गई। विदेश मंत्री डॉ. एस. जयशंकर होर अंतिम संस्कार च शामिल होए।
4. डी.आर.डी.ओ नै ओडिशा तट थमां 2 प्रय मिसाइलें दा तेज प्रक्षेपण कीता।
5. राष्ट्रपति द्रौपदी मुर्मू होरें नमैं बारे 2026 की पूर्व संध्या पर देश ते विदेश दे नागरिकें की शुभकामनां दित्तियां।
6. देश दे उत्तरी हिस्से च घने कोहरे नै जनजीवन की अस्त-व्यस्त करी दित्ता, कोहरे ते घट्ट दृश्यता करी 148 डोआरियां रद्द करी दित्तियां गेइयां न।

&lt;&gt;&lt;&gt;&lt;&gt;&lt;&gt;&lt;&gt;

Cabinet Design

केंद्रीय मंत्रिमंडल नै अज 6 लेन नासिक-सोलापुर कारिडोर ते ओडिशा च एन.एच 326 दे चौड़ीकरण दे दो राजमार्ग परियोजनाएं की मंजूरी दित्ती। आर्थिक मामलें की मंत्रिमंडलीय समिति नै महाराष्ट्र च 6 लेन दे ग्रीनफील्ड नियंत्रित नासिक सोलापुर अक्कलकोर कारिडोर दे निर्माण की मंजूरी दित्ती। 374 किलोमीटर दे राजमार्ग दा निर्माण 19 ज्हार 142 करोड़ रुपये दे कुल खर्च कन्नै कीता जाहगा। नमीं दिल्ली च संवाददाताएं कन्नै गल्लबात च सूचना ते प्रसारण मंत्री अश्विनी वैश्वणव होरें आखेआ जे एह परियोजनां कुरुनूल की जोड़ने आहले नासिक, अहिल्या नगर ते सोलापुर जनेई महत्वपूर्ण क्षेत्रीय शहरें की कनेक्टिविटी प्रदान करोग। एह बुनियादी ढांचा प्रधानमंत्री गतिशक्ति राष्ट्रीय मास्टर प्लान सिद्धांत दे तैहत एकीकृत परिवहन बुनियादी ढांचे दे विकास च सुविधा पजाने की दिशा च इक महत्वपूर्ण गैड ऐ।

&lt;&gt;&lt;&gt;&lt;&gt;&lt;&gt;&lt;&gt;

Murugan-Calender

सूचना ते प्रसारण राज्यमंत्री डॉ. एल. मुरुगन होरें अज आखेआ जे इक बारे सरकार नै विकसित भारत 2047 आहली भेठा देसै दे राष्ट्रीय सफर च महत्वै आहले ध्याय जोड़े न ते जेड़े अत महत्वै आहले सुधारें की इक श्रृंखला न। नमीं दिल्ली च भारत सरकार दे 2026 बारे आहले कैलेंडर जारी करदे होई उनें आखेआ जे इनें सुधारें दा साफ मकसद समावेशी विकास, आर्थिक लचीलापन ते मुख्य च लम्मी अवधि आहले विकास लेई इक टिकाउ ते सशक्त नीह रखना ऐ। इस मौके पर बोलदे होई सूचना ते प्रसारण सचिव संजय जाजू होरें आखेआ जे कैलेंडर दा डजैन घाट बड़ा सोची-समझियै बनाया गेदा ऐ ते एह सरकार दिएं पैहलकदमिं ते प्राथमिकताएं की अक्कसा करदा ऐ जेहदे नै एह सरकारी नीतिं दे प्रचार दा इक महत्वपूर्ण जरिये दे रूप च उभरियै सामने आया ऐ।

&lt;&gt;&lt;&gt;&lt;&gt;&lt;&gt;&lt;&gt;

Year End Reforms

बारे 2025 च भारत आलमी सतह पर उत्पादन आहले इक्क बड़े गड़ दे तौर पर उभरेआ ऐ, जेहदे नै खपत आधारित विकास थमां माल तयार करने ते तकनीकें पर आधारित विकास आहली बक्खी बड़े बदलाव नजरी आए न। इनें सुधारें दे मद पर भारत नै इलेक्ट्रानिक्स ते सेमीकंडक्टर, अक्षय उर्जा, टेलीकॉम, हवाबाजी ते रक्षा खेत्तर च माल तयार करने दे मामले च बड़ा जबरदस्त विकास दर्ज कीता ऐ। इस बारे आलमी सतह दिएं कंपनिं जि'आं ऐप्पल, सैमसंग, फाक्सकॉन ते ते गूगल नै भारत च अपने कम्मकाज दा विस्तार कीता जेहदे नै कम्म रोजगार दे मते मौके पैदा होए ते निर्यात की बी बढ़ावा हासल होआ। इस बारे P.L.I योजनाएं, GST सुधारें, कौशल विकास सरबन्धी पैहलकदमिं दे राहें नीतिगत समर्थन च भरोसा बधेया, जेदे नै भारत आलमी सतह पर आपूर्ति श्रृंखलाएं च इक्क महत्वपूर्ण मुख्य दे तौर पर अपनी थाहर पक्की करी सकेआ ऐ।

&lt;&gt;&lt;&gt;&lt;&gt;&lt;&gt;&lt;&gt;

## Heavy Rush Katra

2025 बरें दे अखीरले ध्याड़े श्री माता वैश्वो देवी तीर्थ स्थान पर श्रद्धालुएं दा बड़ा भारी रश दिक्खेआ जा'रदा ऐ की जे मुख्य भरै थमां ज्हारां बदे श्रद्धालु नमें बरें दे मौके पर माता रानी दा शीरवाद हासल करने लेई उत्थे पुज्जे दे न। प्रशासन नै यात्रा मार्ग ते भवन पर बी सुरक्षा ते यात्रिणं दी बवस्थित आओजाई यकीनी बनाने आस्तै सब्बे लोड़चदे बंदोबस्त यकीनी बनाए दे न। सभनें महत्वपूर्ण थाहें पर सुरक्षाबलें, मेडिकल टीमें ते भीड़ दे प्रबंधन आहले अमले दी तैनाती कीती गेदी ऐ। एहदे अलावा पुलस ते सिविल प्रशासन दे वरिष्ठ अधिकारी सी.सी.टी.वी कैमरें दे राएं हालात दी लगातार निगरानी करा करदे न। भारी रश दे बावजूद श्री माता वैश्वो देवी जी दी जात्तरा बवस्थित ढंगै सिर जारी ऐ।

<><><><><><>

## Trains Extended

उत्तर रेलवे नै नमें बरें आहली अवधि दरान यात्रिणं गी बेहतर सुविधां उपलब्ध करोआने दे मकसद कन्नै नमी दिल्ली ते श्री माता वैश्वो देवी कटड़ा बश्कार चलने आहली विशेष आरक्षित रेल सेवाएं गी होर बधाने दा ऐलान कीता ऐ। ट्रेन नंबर 04081 ते 04082 गी एहदे शा पैहले 31 दिसंबर तोड़ी चलाने दा गै फैसला लैता गेदा हा पर हुन ट्रेन नंबर 04081 कल पैहली जनवरी थमां लेइयै 4 जनवरी तोड़ी जिस्सलै के ट्रेन नंबर 04082 अत्तरूं 2 जनवरी थमां लेइयै 5 जनवरी 2026 तोड़ी अपनी सेवा देग। यात्री इस बारै होर जानकारी लेई हेल्पलाइन नंबर 139 पर राबता करी सकदे न जां फ्ही वेबसाइट [www.enquiry.indianrail.gov.in](http://www.enquiry.indianrail.gov.in) पर जाई सकदे न।

<><><><><><>

## Bangladesh Khaleda Zia

साबका प्रधानमंत्री ते बांग्लादेश राश्ट्रवादी पार्टी बी.एन.पी दी अध्यक्ष बेगम खलिदा जिया दे राजकीय खीरी संस्कार दे बाद बुधवार गी ढाका दे मानिक मिया एनब्यू च ज्हारें शोक संतप्त लोक किट्ठे होए। बांग्लादेश दी पैहली महिला प्रधानमंत्री खालिदा जिया दा मंगलवार गी लम्मी बमारी दे बाद मृत्यु होई गेई। उन्दे नमाज ए जनाजा जातीय संसद भवन दे साउथ प्लाजा च आयोजित कीती गेई जिस च मुख्ब सलाहकार प्रो. मोहम्मद युनुस, अंतरिम सरकार दे सदस्य, बीएनपी नेता, होरनें राजनीतिक दलें दे नेता ते त्रोंने सशस्त्र बलें दे प्रमुख शामिल होए।

<><><><><><>

## DRDO Pralay Missiles

रक्षा अनुसंधान ते विकास संगठन नै ओडिशा तट थमां दूर इक्क लांचर थमां 2 प्रलय मिसाइलें दा सफल प्रक्षेपण कीता। एहू परीक्षण उपयोगकर्ता मूल्यांकन परीक्षणें तैह्त् कीता गेआ हा। रक्षा मंत्रालय नै दस्सेआ जे चांदीपुर स्थित एकीकृत परीक्षण रेंज च तैनात ट्रैकिंग सेंसरें आसेआ पुष्टि कीती गेई ऐ जे दौनें मिसाइलें निर्धारित पथ दा अनुसरण करदे होई सब्बे डोआरी उद्देश्यें गी पूरा कीता। प्रलय स्वदेशी रूप कन्नै विकसित ठोस प्रणोदक अर्ध बैलिस्टिक मिसाइल ऐ जेड़ी उच्च परिशुद्धता यकीनी करने लेई अत्याधुनिक मार्गदर्शन ते नेविगेशन तकनीक दा उपयोग करदी ऐ। रक्षा मंत्री राजनाथ सिंह होरें मिसाइलें दे सफल प्रक्षेपण लेई डी.आर.डी.ओ, भारती वायु सेना, भारती फौज, रक्षा सार्वजनिक क्षेत्र दे उपक्रमें ते उद्योग दी सराहना कीती। उनें आखेआ जे प्रलय मिसाइल दे सफल प्रक्षेपण नै मिसाइल दी विश्वसनीयता गी स्थापित कीता ऐ।

<><><><><><>

## CBSE Revised Dates

केंद्री माध्यमिक शिक्षा बोर्ड सी.बी.एस.ई नै 10मीं ते 12मीं जमात दे बोर्ड स्तेहानें दी संशोधित तरीखें दी घोशणा कीती ऐ। सी.बी.एस.ई मताबक 10मीं दे स्तेयान जेड़े पैहले 3 मार्च गी तय हे ओहू हुन 11 मार्च गी आयोजित कीते जाडन। 12मीं दे स्तेहान दी तरीक 3 मार्च दी थाहू हुन 10 अप्रैल गी आयोजित कीते जांगन। बोर्ड नै दस्सेआ जे प्रशासनिक कारणें कन्नै तरीखें च एहू बदलाव कीता गेआ ऐ। सीबीएसई नै स्कूलें च बी गुजारिश कीती ऐ जे ओहू इस सूचना गी सब्बे सरबन्धित छात्रें ते अभिभावकें तोड़ी पुजान।

<><><><><><>

## Pariksha Pe Charcha

प्रधानमंत्री नरेंद्र मोदी हुं'दी प्रमुख पैहल परीक्षा पे चर्चा नै ऐतिहासिक उपलब्धि हासिल करी लैती ऐ। कल तोड़ी त्रै करोड़ शा मते पंजीकरण दर्ज कीते गए। शिक्षा मंत्रालय नै आखेआ जे भागीदारी दा व्यापक स्तर परीक्षा पे चर्चा गी इक सच्चा जन आंदोलन साबित करदा ऐ। देशभर दे छात्रें, अभिभावकें ते शिक्षकें कार्यक्रम च बदी चढ़ियै हिस्सा लैता ऐ जेड़ी जे एहदी बददी लोकप्रियता गी दर्शादा ऐ। एहू पैहल छात्रें दे मानसिक स्वास्थ्य पर केंद्रित ऐ ते परीक्षाएं प्रति सकारात्मक दृष्टिकोण गी बढ़ावा दिंदा ऐ।

<><><><><><>

## Prez. New Year Eve

राष्ट्रपति द्रौपदी मुर्मू होरें अज्ज नमें ब'रे 2026 दी पूर्व संज्ञा पर मुखै दे नागरिकें ते बदेशें च बसे दे भारतीयें गी नमें ब'रे दियां शुभकामनां भेंट कीतियां ना। अपने इक स्नेहे च राष्ट्रपति होरें आखेआ जे नमां ब'रा नमीं उर्जा ते सार्थ बदलाव दा प्रतीक ऐ। एहू आत्मचिंतन ते ताजा धेइयै करने दा मौका ऐ। राष्ट्रपति मुर्मू होरें सभनें दा आह्वान कीता ऐ जे ओहू देसै दे विकास समाजी समोध ते पर्यावरण संरक्षण लेई अपनी बचनबद्धता गी होर तगड़ा करना। राष्ट्रपति होरें मेद दस्सी ऐ जे 2026 ब'रा सभनें लेई अमन-शांति, खुशियां ते खुशहाली लेइयै आवै ते सशक्त ते समृद्ध भारत दे निर्माण च इक नमीं उर्जा दा संचार करोग।

<><><><><><>

## Trains-Disrupted

देश दे उत्तरी हिस्सें च घने कोहरे करी अज्ज रेल ते ब्हाई यातायात प्रभावित होआ'रदा ऐ। दिल्ली औने आहली 50 कोला मती रेल गड़ियां चिर कन्नै चला'रदियां ना। कोहरे ते घट्ट दृश्यता करी अज्ज 148 डुआरियां रद्द करी दितियां गेइयां। इनें डुआरियां चा 78 औने आहलियां ते 70 जाने आहलियां हियां।

<><><><><><>

## Weather

जम्मू-कश्मीर च इक कमजोर पच्छमी गड़बड़ी करी उत्तरी कश्मीर दे किश हिस्सें च होली बरखा ते बर्फ पवा'रदी ऐ। कश्मीर घाटी दिएं उच्चिएं धारें, जिंदे च लोकप्रिय सैलानी थाह्णं सोनमर्ग, गुलमर्ग, साधना टॉप ते तुलैल घाटी शामिल न, बर्फू दी मुट्टी चपेट च आई गेदे ना। सैलानी कश्मीर च स्यालै दा नंद लै करदे न ते बर्फू आहिलिएं गतिविधिएं दा लुत्फ लै'रदे ना। मौसम विभाग नै औंदी 10 जनवरी तगर प्रांतै च गास बदलोखड़ा रौहने दी पेशनगोई कीती ऐ। इस दरान केइएं थाह्णें रूकी-रूकियै बरखा ते बर्फ पेईसकदी ऐ।

<><><><><><>

## Tourists Destination (byte)

नमें ब'रे आहले जश्न कोला पैहले जम्मू संभाग दिएं मशहूर सैलानी थाह्णें पत्नीटॉप ते सनासर च खरी मती गिनतरी च सैलानी ते मकामी लोक पुजे दे ना। इनें सैलानी थाह्णें पर बक्ख-बक्ख रोमांच आहली गतिविधियों ते उत्थे जारी विंटर कार्निवल च खरी मती गिनतरी च लोक हिस्सा लै करदे ना। मकामी होटलें ते गेस्ट हाउसें च बी सैलानिएं दी भारी गिनतरी च आमद दर्ज कीती गेई ऐ।

<><><><><><>

## Search Operation Udh. (Byte)

उधमपुर दे उच्चे पहाड़ी ते जंगली इलाके च छपे दे त्रै पाकिस्तानी आतंकवादिएं दे सफाए लेई सुरक्षाबलें आसेआ बड़े स्तरै पर चलाया गेदा तपाशी अभियान पिछले 15एं दिनें थमां जारी ऐ। उधमपुर दे एस.एस.पी अमोद अशोक नागपुरे होरें दस्सेआ जे जम्मू-कश्मीर पुलस, फौज ते सी.आर.पी.एफ दियां सांझी टीमां बड़े मते कठन इलाके ते सख्त मौसमी हालात दे बावजूद एक्कड़े उच्चे, पहाड़ी ते जंगली इलाकें च लगातार अपना अभियान चला करदियां ना।

<><><><><><>

## UN-Afghanistan Aid

संयुक्त राष्ट्र नै ब'रे 2026 च अफगानिस्तान लेई 171 करोड़ अमरीकी डॉलर दी सहायता अपील शुरू कीती ऐ। औदे ब'रे च अफगानिस्तान दे विश्व दे सभनें शा बड्डे मानवीय संकट दा सामना करने दी शेंका ऐ। देश च कोई 2 करोड़ 19 लख लोकें गी सहायता दी जरूरत होग। इन्दे च 1 करोड़ 74 लख लोक गंभीर खाब्द असुरक्षा दा सामना करा'रदे न जिसलै जे 47 लख लोक आपातकालीन स्थिति च न। संयुक्त राष्ट्र दी इस योजना दा मकसद लोकें गी खाना-पीना, स्वास्थ्य सेवा, आश्रय, पोषण ते नकद सहायता प्रदान करना ऐ।

<><><><><><>